



資治通鑑卷第七十五

翰林學士兼侍讀學士朝散大夫右諫議大夫知制誥判尚書都省兼提舉萬壽觀公
事柱國河內郡開國侯食邑一千三百戶食實封貳佰戶賜紫金魚袋臣司馬光奉
勅編集

後學天台胡三省音註

魏紀七

起柔兆攝提格盡
玄默涒灘凡七年

邵陵厲公中

正始七年春二月吳車騎將軍朱然寇柵中

祖讀如
祖楊正

衡側
瓜翻

殺畧數千人而去

幽州刺史毋丘儉以高句

驪王位宮數為侵叛

句如字又音駒
知翻數所角觀

驪力下同督諸軍討

之位宮敗走儉遂屠九都

高句驪都於九都之下多

車東馬以上九都可知矣唐志自鴨綠江口舟行百餘里乃小舫泝流東北行凡五百三十里而至九都城

斬獲首虜以千數句驪之臣得來數諫位宮位宮

不從得來歎曰立見此地將生蓬蒿遂不食而死儉

令諸軍不壞其墓

怪壞音

不伐其樹得其妻子皆放遣

之位宮單將妻子逃竄儉引軍還未幾復擊之

幾居豈翻

復扶又翻位宮遂犇買溝

後漢書東夷傳買溝婁北沃沮之地去南沃沮八百餘里句驪

名城為溝婁杜佑曰北沃沮名買溝婁又曰高句麗居紇升骨城漢為縣屬玄菟郡賜以衣幘朝服鼓

吹常從郡受之後稍驕恣不復詣郡但於東界築小城以受之遂名此城為幘溝婁溝婁者高麗名城也

建安中其王伊夷模更作新國都於丸都山下在沸流水西魏正始中母丘儉屠九都銘不耐城而還又

曰東沃沮在蓋馬大山之東北沃沮一名
買溝淩去南沃沮入百餘里與挹婁接
儉遣玄菟

太守王頌追之過沃沮千有餘里
沃沮之地在蓋馬大山之東漢武帝

滅朝鮮開置玄菟郡治沃沮城後玄菟內徙沃沮更
屬樂浪光武廢省就以其渠帥為縣侯其國小迫於

句驪遂臣屬焉菟同都至肅慎氏南界
魏東夷挹婁之國即古肅

慎氏刻石紀功而還所誅納八千餘口
言誅殺者及納降者總入

千餘口還從
宣翻又如字論功受賞侯者百餘人
秋九月吳主

以驃騎將軍步騭為丞相
驃匹妙翻車騎將軍朱然為左

大司馬衛將軍全琮為右大司馬分荊州為二部以

鎮南將軍呂岱為上大將軍督右部自武昌以西至

蒲圻
水經注陸水出長沙下雋縣西逕蒲圻縣北又逕蒲圻山北入大江謂之陸口江水又逕蒲圻

山北對蒲嶠洲頭即蒲圻縣治武昌志曰蒲嶠山
今在嘉魚縣境蓋蒲圻縣初置于此宋白曰蒲圻縣
漢沙羨縣地吳黃武二年於沙羨縣置以威北將軍
蒲圻縣在荆江口因湖以稱故曰蒲圻

諸葛恪爲大將軍督左部代陸遜鎮武昌 漢大赦

大司農河南孟光 光河南洛陽人 於衆中責費禕曰

夫赦者偏枯之物 木之一邊碩茂一邊焦槁者謂之偏枯赦者赦有罪也有罪者赦則

姦惡之人抵法而獲免於罪良善之人受抑而不獲伸故謂之偏枯之物 非明世所宜有

也衰敝窮極必不得已然後乃可權而行之耳今主

上仁賢百僚稱職何有旦夕之急而數施非常之恩

稱尺證翻 以惠姦宄之惡乎禕但顧謝踖蹌而已 子踖

六翻 初丞相亮時有言公惜赦者亮荅曰治世以

大德不以小惠

治直之翻

故匡衡吳漢不願為赦

匡衡疏見三十

八卷元帝永光二年吳漢言見四十三卷光武建武二十年

先帝亦言吾周旋陳

元方鄭康成間

陳紀字元方

鄭玄字康成

每見啓告治亂之道悉

矣曾不語赦也

治直吏翻

若劉景升季玉父子

劉琮字季玉

歲

歲赦宥何益於治

治直吏翻

由是蜀人稱亮之賢知禕不

及焉

蜀人賢孔明而劣費禕固不特惜赦一事而已

陳壽評曰諸葛亮為

政軍旅數興而赦不妄下

數所角翻下同下遐稼翻

不亦卓乎

吳人不便大錢乃罷之

青龍四年吳鑄大錢一當五百景初二年吳又鑄大錢一

千當

漢主以涼州刺史姜維為衛將軍與大將軍費

禕並錄尚書事

費父沸翻

汶山平康夷反維討平之

漢武帝元

封二年分蜀郡北部置汶山郡宣帝地節三年合蜀郡蜀又分爲汶山郡又立平康縣屬焉杜佑曰汶山郡今蜀郡西北通化郡地冉駹所居也宋白曰茂州通化郡古汶山郡劉昫曰維州薛城縣蜀將姜維討汶山叛羌即此地也今州漢主數出遊觀增廣聲樂城即姜維故壘汶讀曰岷

太子家令巴西譙周上疏諫曰昔王莽之敗豪桀並起以爭神器才智之士思望所歸未必以其勢之廣

陋惟其德之厚薄也於時更始公孫述等多已廣大更工然莫不快情恣欲怠於爲善世祖初入河北馮

異等勸之曰當行人所不能爲者遂務理冤獄崇節

儉北州歌歎聲布四遠於是鄧禹自南陽追之事見三十

九卷漢更吳漢寇恂素未之識舉兵助之其餘望風

始元年

慕德邳彤耿純劉植之徒至於輿病齋棺襁負而至

不可勝數

事並見更始二年彤余中翻勝音升

故能以弱為彊而成帝

業及在洛陽嘗欲小出鉅期進諫即時還車

鉅期傳曰光武

嘗與期門近出期頓首車前曰臣聞古今之誠變生不意誠不願陛下微行數出帝為之回輿而還鉅音

姚

及潁川盜起寇恂請世祖身往臨賊聞言即行

事見

四十二卷建武八年

故非急務欲小出不敢至於急務欲自安

不為帝者之欲善如此故傳曰百姓不徒附誠以德

先之也

傳直繼翻先悉薦翻

今漢遭厄運天下三分雄哲之士

思望之時也

言思望賢主混一

臣願陛下復行人所不能為

者以副人望

復扶又翻

且承事宗廟所以率民尊上也今

四時之祀或有不臨而池苑之觀或有仍出臣之愚

滯私不自安夫憂責在身者不暇盡樂樂音洛下同先帝

之志堂構未成書大誥曰若考作室既底乃弗肯堂矧肯構誠非盡樂

之時願省減樂官後宮凡所增造但奉脩先帝所施

施式支下為子孫節儉之教漢主不聽

八年春正月吳全琮卒二月日有食之時尚書何

晏等朋附曹爽好變改法度太尉蔣濟上疏曰昔大

舜佐治戒在比周舜之佐堯也驩兜共工自相稱引則流放之讒說殄行則聖之戒比

周也好呼到翻治直周公輔政慎於其朋書洛誥周

曰孺子其朋孺子其朋其往孔安國注曰少夫為國

漢度惟命世大才乃能張其綱維以垂於後豈中下之吏所宜改易哉終無益於治適足傷民宜使文武之臣各守其職率以清平則和氣祥瑞可感而致也

吳主詔徙武昌宮材瓦繕修建業宮有司奏言武

昌宮已二十八歲

吳以漢獻帝建安二十四年都武昌至是已二十八年

恐不

堪用宜下所在

下遐稼翻

通更伐致

伐致謂伐材木而致之通者凡吳境內悉

然也吳主曰大禹以卑宮爲美今軍事未已所在賦歛

歛力贈翻

若更通伐妨損農桑徙武昌材瓦自可用也乃

徙居南宮三月改作太初宮

晉太康地記曰吳有太初宮方三百丈

令

諸將及州郡皆義作

以下奉義當助作宮室

大將軍爽用晏鄧錫丁謐

之謀遷太后於永寧宮

據後魏起永寧寺於銅駝街西意即前魏永寧殿故處也

又據陳壽志太后稱永寧宮非徙也意者晉諸臣欲增曹爽之惡以遷字加之耳晉書五行志曰爽遷太后於永寧宮太后與帝相泣而別蓋亦承晉諸臣所記也

專擅朝政遙翻多樹親

黨屢改制度太傅懿不能禁與爽有隙五月懿始稱

疾不與政事

為司馬懿誅曹爽等張本與讀曰預

吳丞相步騭卒

帝好褻近羣小

近其

遊宴後園秋七月尚書何晏上

言自今御幸式乾殿

參考魏晉所記式乾殿當在皇后宮坤為母乾為父言皇后為

天下母以乾為式從夫之義也

及遊豫後園宜皆從大臣詢謀政事

講論經義為萬世灋冬十二月散騎常侍諫議大夫

孔乂上言

秦置諫大夫掌論議後漢增為諫議大夫

今天下已平陛下可

絕後園習騎乘馬

騎奇寄翻

出必御輦乘車天下之福臣

子之願也帝皆不聽

吳主大發衆集建業揚聲欲

入寇揚州刺史諸葛誕使安豐太守王基策之

安豐縣漢

屬六安國後漢屬廬江郡魏分置安豐郡屬豫州策之者計之也

基曰今陸遜等已

死孫權年老內無賢嗣中無謀主權自出則懼內疊

卒起

卒讀曰猝

癰疽發潰遣將則舊將已盡新將未信千

余翻將即亮翻

此不過欲補綻支黨

綻丈澗翻縫也

還自保護耳已

而吳果不出

是歲雍涼羌胡叛降漢

雍於用翻降戶江翻

漢

姜維將兵出隴右以應之與雍州刺史郭淮討蜀護

軍夏侯霸戰于洮西

水經注洮水與蜀白水俱出西傾山山南即白水源山東即洮

水源洮水東流逕吐谷渾中又東逕臨洮安故狄道又北至枹罕入于河諸縣皆在洮東若洮西則羌虜所居也洮土刀翻胡王白虎文治無戴等率部落降維徙

之入蜀蜀志曰居于繁縣據姜維傳則白虎文與治無戴二人也又魏志曹真討破叛胡治元多

蓋諸胡有治姓也淮進擊羌胡餘黨皆平之

九年春二月中書令孫資癸巳中書監劉放三月甲

午司徒衛臻各遜位以侯就第位特進鷄棲樹之言固中而三馬

食一槽矣夏四月以司空高柔為司徒光祿大夫徐邈

為司空邈嘆曰三公論道之官無其人則缺書曰三公論道

經邦燮理陰陽官不必備惟其人豈可以老病忝之哉忝辱也遂固辭

不受五月漢費禪出也漢中自蔣琬及禕雖身居

於外慶賞刑威皆遙先諮斷

斷丁亂翻諮斷者

然後

乃行禕雅性謙素當國功名畧與琬比

秋九月以

車騎將軍王凌為司空

涪陵夷反

涪陵縣漢屬巴郡蜀分置涪陵

郡唐之涪州宋白曰涪州涪陵郡漢為涪陵縣地蜀先主以地控江源於此立涪陵郡領漢平漢葭二縣四夷縣道記云故城在蜀江之南涪江之西其涪江南自黔中來由城之西泝蜀江十五里有雞鳴峽上有枳城即漢枳縣也李雄據蜀後枳縣荒廢桓溫定蜀別立枳縣於今郡東北十里周武帝保定四年涪陵首領田思鶴歸化於故枳城立涪陵鎮隋開皇三年移漢平縣於鎮城仍改漢平為涪陵縣因鎮為名唐為涪州元和三年以涪州疆理與黔中接近勅隸黔中按華陽國志云涪陵巴之南鄙從枳縣入泝涪水秦司馬錯由之取楚黔中地漢興常為都尉理山險水灘人多獐蜚唯出丹漆蜜枳縣即涪州所理漢建安中涪陵謝本以涪陵廣大白州牧劉璋分置丹興漢葭二縣以為郡璋乃分涪陵立永寧兼丹興漢

葭合四縣置屬國都尉理涪陵蜀先主改爲郡改永
寧曰萬寧又增立漢復縣後主又立漢平縣晉太康
地志省丹興縣郡移理漢復又言萬寧在郡南水道
九百里其萬寧蓋今費州是蜀後主延熙中涪陵大
姓徐巨反鄧芝討平之漢涪陵蓋在今涪州東南三
百三十里黔州是其故理在江之東又言漢復縣北
至涪陵九十里蓋今黔州所管洪杜縣是其故理又
言漢葭在郡東百里澧源出界蓋今州東九十里故
黔州城是其丹興縣蓋在今黔州東二百里黔江縣
是又按漢平縣在今涪州東百二十里羅浮山之北
岷江之南白水入江處側近又按十三州志枳在郡
東北涪陵在郡東按今黔州亦與巴郡東南相抵據
謝本所論晉志所云今夷費思播及黔府等五州悉
是涪陵故地又隋圖經黔中是武陵郡西陽縣地按
漢西陽在今溪州犬鄉縣界與黔州約相去千餘里
今三亭縣西北九百餘里別有西陽城乃劉蜀所置
非漢之西陽隋圖經及貞觀地志並言蜀所置西陽
爲漢西陽蓋誤認漢涪陵之地也自永嘉後沒於夷
僚元魏後圖記不傳至後周田思鶴歸化初於其地
立奉州續改黔州大業中又改黔安郡因問隋州郡

名遂與秦漢黔中郡交牙難辨其秦黔中郡理在今辰州西二十里黔中故城是漢改黔中爲武陵郡移治義陵即今辰州淑浦縣是後漢移理臨沅即今朗州所理是今辰錦叙獎溪澧朗施八州是秦漢黔中郡地與今黔州及夷費思播隔越峻嶺東有沅江水及諸溪並合而東注洞庭湖嶺西有巴江水一名涪陵江自牂柯北歷播費思黔等州北注岷江以山川言之巴郡之涪陵與黔中故地炳然自分矣漢

車騎將軍鄧芝討平之 大將軍爽驕奢無度飲食

衣服擬於乘輿乘繩證翻尚方珍玩充牣其家又私取先

帝才人以爲伎樂伎渠綺翻作窟室綺䟽四周窟室掘地爲室也賢

曰綺䟽謂鏤爲綺文數與其黨何晏等縱酒其中弟羲深以爲

憂數涕泣諫止之爽不聽爽兄弟數俱出遊數所角翻司

農沛國桓範謂曰總萬機典禁兵不宜並出若有閉

城門誰復內入者

復扶又翻下同

爽曰誰敢爾邪初清河平

原爭界八年不能決冀州刺史孫禮請天府所藏烈

祖封平原時圖以決之

烈祖明帝也封平原王畫壤分國有地圖在天府周禮有

天府鄭玄注云掌祖廟之寶藏又賢能之書及功書皆藏于天府

爽信清河之訴云

圖不可用禮上疏自辨辭頗剛切爽大怒劾禮怨望

結刑五歲

結刑五歲者但結以徒作五歲之罪而不使之輸作也劾戶繫翻又戶得翻

久

而復爲并州刺史往見太傅懿有忿色而無言懿曰

卿得并州少邪志理分界失分乎

魏并州統太原上黨西河鴈門新興

冀州大於諸州并州遠接荒外故意其缺望懿多權數以此言撻發禮耳少詩沼翻志於避翻分扶問翻

禮曰何明公言之乖也禮雖不德豈以官位往事爲